

695

အပိုင်ကပိုင်ကပိုင်ကပိုင်ကပိုင်က
အိုင်ကပိုင်ကပိုင်ကပိုင်ကပိုင်က

**AWIG-AWIG DESA PAKRAMAN
KELODAN TAMPAKSIRING**



ကပိုင်ကပိုင်ကပိုင်ကပိုင်က
အိုင်ကပိုင်ကပိုင်ကပိုင်ကပိုင်က
အိုင်ကပိုင်ကပိုင်ကပိုင်ကပိုင်က

**DESA TAMPAKSIRING, KECAMATAN TAMPAKSIRING
KABUPATEN GIANYAR
2012**

SAMBRAMA WACANA

Om Swastyastu
Om Awighnamastu Namosiddham

Tan keni winilang garjitan manah tityang duaning Ida Bhatara Bhatari makaadinnyanē Ida Sang Hyang Widhi Washa sampun lédang mapaica tuntunan, nyiratang sutēja galang apadang ring Dēsa Pakraman tityang, mawastu prasida antuk tityang nyuratang sadaging Awig-Awig Dēsa Pakraman Kelodan Tampaksiring puniki.

Daging Awig-Awig puniki kasujatiannē sampun wēnten saking riin, minakadi paiketan pasubaya para krama, marupa dresta, sima, sanē untengnyanē masesuluh ring Tri Hita Karana manut sadacara Agama Hindu.

Duaning aab jagat kabawos awor tanpatepi, tityang murunang sikian nyuratang Awig-Awig puniki sanē patut anggēn dasar mapikahyun, mabawos miwah malaksana, ngudpadi kasukertan jagatē, utamannyanē mangda wēnten anggēn temon-temon kawekas.


Parama suksma aturang tityang ring:

1. Palungguh Bupati murdhaning jagat Gianyar sanē sampun lédang mapaica pawarah-warrah wahya-adyatmika ring sakuwub krama tityang;
2. Kepala Dinas Kebudayaan Kabupatēn Gianyar, taler sanē sampun lédang mapaica tuntunan-tuntunan;
3. Team Pembina Penyuratan Awig-Awig dan Perarem Kabupaten Gianyar, sanē sampun lédang nuntun sapariindikan penyuratan Awig-Awig miwah sampun micayang sesuluh indik kawigunan penyuratan Awig-Awig Dēsa Pakraman puniki;
4. Para krama Dēsa Pakraman Kelodan Tampaksiring sanē iring tityang segalak-segilik, salunglung-sabayantaka, parasparopasarpana ya, mawit saking pasiklan pikahyun, bawos lan laksana, mawastu puput antuk tityang nyuratang sadaging Awig-Awig Desa Pakraman Kelodan Tampaksiring puniki.

Tityang nunas geng pangampura duaning sinah katah kirang-langkung, munjuk-lungsur antuk tityang nyuratang sadaging Awig-Awig puniki, manawita indik sesuratannē sanē tan manut ring uger-uger tata krena lan tata lengkara.

Kadi asapunika Atur Sambrahaman tityang, dumadak ngamangguhang mokshartam jagadhita ya ca itti dharma, nemuang kerta raharjeng dirghaayu dirghayusa katekēng putu, buyut, sentana, pretisentana makabēhan. Ampura.

Om Shantih Shantih Shantih Om



PIDAGING
 MAKA BANTANG AWIG-AWIG DESA PAKRAMAN
 KELODAN TAMPAKSIRING

MURDHA CITTHA	1
PRATHAMAS SARGAH	: ARAN LAN WEWIDANGAN DESA.....	2
DWITYAS SARGAH	: PATITIS LAN PAMIKUKUH.....	3
TRITYAS SARGAH	: SUKERTA TATA PAKRAMAN	4
	Palet 1 Indik Krama	4
	Palet 2 Indik Prajuru Désa	8
	Palet 3 Indik Kulkul	11
	Palet 4 Indik Paruman	11
	Palet 5 Indik Padruwén Désa	13
	Palet 6 Indik Bhaya	14
	Palet 7 Indik Panyanggan Banjar	16
CATURTAS SARGAH	: SUKERTA TATA AGAMA	17
	Palet 1 Indik Déwa Yadnya	17
	Palet 2 Indik Resi Yadnya	21
	Palet 3 Indik Pitra Yadnya	22
	Palet 4 Indik Manusa Yadnya	27
	Palet 5 Indik Bhuta Yadnya	28
PANCAMAS SARGAH	: SUKERTA TATA PAWONGAN	30
	Palet 1 Indik Pawiwahan	30
	Palet 2 Indik Nyapihan Lan Balu	32
	Palet 3 Indik Sentana	34
	Palet 4 Indik Warisan.....	36
SASTAS SARGAH	: SUKERTA TATA PALEMAHAN	39
	Palet 1 Indik Karang, Tegal lan Carik	39
	Palet 2 Indik Pepayonan	40
	Palet 3 Indik Wewangunan	41
	Palet 4 Indik Wewalungan	42
SAPTAMAS SARGAH	: WICARA LAN PAMIDANDA	43
	Palet 1 Indik Wicara	43
	Palet 2 Indik Pamidanda	43
ASTAMAS SARGAH	: NGUWAH NGUWUHIN AWIG-AWIG	46
NAVAMAS SARGAH	: S A M A P T A	47

MURDDHA CITTA

Om Swastyastu, Om Awichnamastu Nama Siddham,

Malarapan panghyangning Ida Sang Hyang Widhi Washa, asung kerta nugraha ngwéntenang kahuripan sekala niskala ring Bhuana Agung lan Bhuana Alit. Manut dresta, désané wantah pawakan pasayuban krama désa rauhing kulawarga pawongannia. Désané kamanggehang Bhuana Agung, pawongannia suang-suang pinaka Bhuwana Alit.

Sotaning Bhuana Agung, désané wantah pawakan bhawa maurip, jangkep saha Tri Hita Karanannia, luwiré:

- ha. Parhyangan, sahananing kahyangan panyiwian désa genah ngarcana Ida Sang Hyang Parama Wisésa maka jiwana désané,
- na. Pawongan, krama saha warga désa maka sami pawakan bhayupramana (Tri Kaya) mawinan désané sida molah maprewreti,
- ca. Palemahan, tanah kekuwuban désa, sinanggeh stula sariraning désané.

Adung patemon bhuana kalih, malarapan shanta jagadhita, sinanggeh murdhaning prayojana pangriptaning Awig-awig Désa Pakraman ring Sabha Krama Désa Pakraman Kelodan Tampaksiring.

Pamutus Sabha inucap pinaka sepat siku-siku pamatut, wastu prasida prayojanan mami kabéh prasama anghidep muwah amagehaken kadi linging Awig-Awig iki.

PRATHAMAS SARGAH
ARAN LAN WEWIDANGAN DESA
Pawos 1

- (1) Dēsa Pakraman puniki mawasta Dēsa Pakraman Kelodan Tampaksiring,
- (2) Jebar kekuwub wewidangannia mawates nyatur:

ha.	Sisih Wētan	:	Tukad-Pakerisan, <i>Telabas Tengah.</i>
na.	Sisih Kidul	:	Dēsa Pakraman Bukit;
ca.	Sisih Kulon	:	Dēsa Pakraman Eha;
ra.	Sisih Kalēr	:	Banjar Pakraman Buruan.

- (3) Dēsa Pakraman puniki kawangun antuk karang ayahan dēsa miwah karang gunakaya, turmaning dados banjaran tunggal.

**DWITYAS SARGAH
PAMIKUKUH LAN PATITIS**

Pawos 2

Désa Pakraman Kelodan Tampaksiring ngamanggehang pamikukuh luwiripun:

- (1) Pancasila;
- (2) Undang Undang Dasar 1945, pamekas Pasal 18;
- (3) Undang Undang No. 39 Tahun 1999 tentang HAM;
- (4) Perda Provinsi Bali Nomor 3 tahun 2003 tentang Désa Pakraman;
- (5) Tri Hita Karana manut sadacara Agama Hindu.

Pawos 3

Luwir patitis Désa Pakraman Kelodan Tampaksiring:

- (1) Ngukuhang miwah ngrajegang Sang Hyang Agama;
- (2) Nginggilang tata prawrertiné maagama Hindu;
- (3) Ngrajegang kasukertan Désa saha pawongannia sakala lawan niskala.

TRITYAS SARGAH
SUKERTA TATA PAKRAMAN

Palet 1

Indik Krama

Pawos 4

- (1) Sané kabawos Krama Désa inggih punika kulawarga sané maagama Hindu saha ngamong karang dēsa, utawi karang gunakaya, lan jumenek ring wewidangan Dēsa Pakraman Kelodan Tampaksiring;
- (2) Sajaba punika sinanggeh krama tamlu lan tamiu.
 - ha. Krama tamlu inggih punika warga dura dēsa sanē maagama Hindu sanē jenek ring wewidangan Dēsa Pakraman Kelodan Tampaksiring. Indik krama tamiu, *manut pararem*.
 - na. Tamiu inggih punika warga dura dēsa sanē nēnten maagama Hindu sanē jenek ring wewidangan Dēsa Pakraman Kelodan Tampaksiring. Indik tamiu, *manut pararem*.

Pawos 5

Krama Désa wénten 4 (patang) pawos luwiri:

- (1) Krama ngarep, inggih punika kulawarga sanē ngamong karang ayahan dēsa utawi karang gunakaya tur sampun manut ring Tri Hita Karana;
- (2) Krama ngempi, inggih punika kulawarga sanē nēnten ngamong karang lan carik sakēwanten sampun mawiwaha;
- (3) Krama tapukan, inggih punika krama sanē dērēng antes ngayah, utawi salami kantun masekolah malarapan ilikita pastika saking sekolahan, *manut pararem*.
- (4) Krama-balu, inggih punika kulawarga sanē katinggal sēda olih sinalih tunggil lanang utawi istri utawi sangkaning nyapihan.

Pawos 6

- (1) (1) Kawit dados Krama Désa:
- ha. Sangkaning ngamong karang, *manut pararem*;
- na. Mawiwit pawiwahan, *manut pararem*.
- (2) (2) Panamaya tedun makrama dēsa :
- ha. Sang sanē ngamong karang, mawaneng asasih sesampunē ngawit jumenek. Ngeninin indik pawedal padagingan lan pepeson, maētang saking pangawit jumenekē, *manut pararem*.
- na. Masengker asasih sesampunē nglaksanayang pawiwahaan. Ngeninin indik pawedal padagingan, maētang saking puput upacara pawiwahan, *manut pararem*;

Pawos 7

Tetegenan (ayah-ayahan lan pepeson) krama dēsa luwirē:

- (1) Krama ngarep, keni tetegenan mamungkul;
- (2) Krama pangempian, keni pepeson asigar, ayah-ayahan *manut pararem*; ✓
- (3) Krama tapukan, keni pepeson mamungkul, luput ayah-ayahan, *manut pararem*;
- (4) Krama balu, keni pepeson mamungkul, ayah-ayahan manut kawēntenan balunē. Yēn lanang keni ayahan lanang, yēn istri keni ayahan istri;
- (5) Risedek ngayah, wēnten sinalih tunggil krama matilar tan sangkaning kabēbasang olih prajuru, wenang krama inucap kakenanin pamidanda *manut pararem*, kawastanin tanjek laler.

Pawos 8

Swadharman krama tiyosan ring tetegenan luwirē:

- (1) Tinut saturut ring sadaging Awig-Awig, pararem lan paswaran dēsa;
- (2) Tan maren ngutsahayang mangda dēsanē mrasidayang nyujur manut patitis;
- (3) Tinut saturut ring Guru Wisēsa.

Pawos 9

Swadharmen krama tamiu lan tamiu luwiré:

- (1) Tinut saturut ring yasa kèrtin dèsané;
- (2) Tan piwal ring sadaging Awig-Awig, Pararem lan Paswaran Désa;
- (3) Nyadokang raga ring prajuru arahina sasampun jumenek malarapan antuk ilikita pastika saking dèsané utawi sang ngawewenang;
- (4) Krama tamiu lan tamiu patut keni prabèya tur madana punia ring Désa Pakraman/Banjar, *manut pararem*;
- (5) Krama tamiu lan tamiu patut polih pasayuban marupa pitulung ring sajeroning katibèn panca bhaya;
- (6) Pararem indik tamiu kabawosang malih nyabran awarsa.
- (7) Yèning krama tamiu lan tamiu tan nginutin angka (1), (2), (3), (4) ring ajeng, wenang kairid saking désa pakraman (tan kadadosang jumenek ring désa pakraman).

Pawos 10

Ulih-ulihan krama:

- (1) Polih pasayuban sakala niskala tur kabawosin saha katiwakin pamutus sahanan wicarannia;
- (2) Nyarengin paruman tur wèngang sareng mastikayang pamutus;
- (3) Kadadosang madeg prajuru, *manut pararem*.

Pawos 11

Krama Désa Pakraman kadadosang:

- (1) Mapuwanghid utawi tan tedun:
ta. Niskala ngwangun kalurahan, *mayadnya*, *matapetin*, sungkan,
kalurahan lan sané liyané *manut pararem*.

- na. Kēngin tēmpo wantah apisan, sajawaning wēnten wak-wakan saking Prajuru;
- (2) Nyada, mapiteges mapinunas ngamademang ayah-ayahan duaning sungkan-sungkanaan utawi sampun mayusa paling kidik 65 warsa, nanging tan kadadosang nyusukin. Sang nyada, sajeroning awarsa mangda sampun nyadokang panyeledihi, *manut pararem*;
- (3) Nyadē utawi nyuksukin, kadadosang risampun manggeh deha-truna, utawi mrasidayang nginutin krama;
- (4) Majegin, mapiteges nugtug ayah antuk artha-brana sanē ageng-alitnyanē *manut pararem*, yēn pradē kajudi olih sang maraga Guru Wisēsa utawi magenah ring dura dēsa.

Pawos 12

- (1) Uwusan dados Krama Dēsa, sangkaning:
- ha. Pinunas ngraga, menawī kēsah ka dura dēsa;
- na. Kanorayang, duwaning sampun tan prasida ngeséhin solah maprewerti, setata nguwug kecapin Awig-awig;
- ca. Uwusan makrama dēsa mapiteges taler uwusan makrama banjar utawi uwusan makrama banjar mapiteges uwusan makrama dēsa, mangda sampunang sinanggeh empak nglanting.
- (2) Sang uwusan makrama:
- ha. Patut ngaturang karang ayahan ka dēsa yēning krama punika ngayahang karang dēsa;
- na. Tan polih pah-pahan saking padruwēan dēsa sajawaning pah-pahan padruwēan ring tēmpèk *manut pararem*;
- ca. Tan polih pasayuban sajeroning ala-ayu;
- ra. Sang uwusan makrama Dēsa/Banjar, pradé mawali malih, patut nahur saurah-arih tetegenan krama *manut pararem*.

- (3) Sang uwusan sangkaning kanorayang, pradē mawali malih, patut:
- ha. Muntasang saluwir pamidanda utawi tetegenan sanē ngeranayang kanorayang;
 - na. Nunas geng pangampura ring paruman dēsa maduluran panyangaskara panyapsap kaiwangan, duwaning nguwak pasubaya.

Palet 2

Indik Prajuru Dēsa

Pawos 13

- (1) ^{Adat} Dēsa Pakraman Kelodan Tampaksiring kaēnter olih Bendēsa Dēsa Pakraman; ^{adat}
- (2) Banjar Pakraman kaēnter olih Kelihan Banjar Pakraman; ^{adat}
- (3) Bendēsa lan Kelihan Banjar patut:
- ha. Mawiwit saking krama ngarep/wed, kajangkepin antuk:
 - 1) Uning ring aksara Bali lan Latin;
 - 2) Uning ring tata titining mawa dēsa;
 - 3) Uning ring pariindik agama Hindu lan adat Bali;
 - 4) Lascarya ngayah tur maduwē parilaksana sanē rahayu.
 - na. Kaadegang malarapan antuk kacatri olih parumanna nyabran 5 (limang) warsa, sajawaning wēnten pariindik tiyos tur dados kacatri malih;
 - ca. Maduluran Dēwa saksi ring Pura Dalem;

Pawos 14

- (1) ^{adat} Bendēsa Dēsa Pakraman kasangga olih:
- ha. Patajuh utawi Pangliman pinaka wakilnia,
 - na. Panyarikan pinaka juru surat;
 - ca. Patengen utawi Juru Raksa pinaka pangemong druwén dēsa;
 - ra. Kasinoman pinaka juru arah.
- (2) Kasinoman akēhnia manut kawigunaan saha magilir nyabran asasih;

- (3) Sajeroning ngénterang kasukerthan niskala, Bendésa mingsingghang Pamangku Kahyangan Désa utawi Sang Rumaga Sulinggih;

Pawos 15

- (1) Swadharmaning Bendésa Désa Pakraman luwire:
- ha. Ngénterang pamargin sadaging Awig-Awig miwah Pararem Désa;
- na. Nuntun tur ngénterang krama rawuhing warga désa sami ngupadi manut patitis;
- ca. Mawosin kalih niwakang pamutus arep ring wicara Warga Désa;
- ra. Maka duta désa matemuang bawos ring sapa slra ugi.
- (2) Pradé Prajuru iwang palaksana, keni pamidanda nikel ring kaiwangan suang-suang krama tur dados karayanang manut pararem.

Pawos 16

Patias utawi ulih-ulihan Prajuru Désa Pakraman luwire:

- (1) Luput rerampén;
- (2) Polih patengahan atanding;
- (3) Petias tiyosan manut pararem.

Pawos 17

- (1) Prajuru Désa kagentosin riantukan:
- ha. Sēda;
- na. Sangkaning pinunas ngraga tur sampun kabēbasang olih krama désa;
- ca. Kanorayang duwaning iwang pamargi utawi nilar sesana;
- (2) Nganorayang utawi ngentosin Prajuru Désa patut sajeroning paruman tur kaingkupin olih Krama Désa.

Palet 3

Indik Kukul

Pawos 18

- (1) Kukul ring Dēsa ^{adat} Pakraman Kelodan Tampaksiring luwiré:
- ha. Kukul ring Kahyangan;
 - na. Kukul dēsa;
 - ca. Kukul banjar;
 - ra. Kukul sekaa-sekaa;
- (2) Tabuh tetepakan kukul ring Kahyangan dēsa:
- ha. Nungtit/silih asih, tengeran wēnten yadnya;
 - na. Tulud lambat, tengeran tedun ngayah;
 - ca. Bulus, tengeran wēnten bhaya.
- (3) Tabuh tetepakan kukul ring banjar:
- ha. Bulus:
 - 1) Atulud bulus, tengeran wēnten bhaya;
 - 2) Kalih tulud bulus, tengeran kapandangan (artha bhaya);
 - 3) Tigang tulud bulus, tengeran jiwa bhaya;
 - 4) Tigang klentungan bulus panjang, tengeran lindu, ēr lan pawana bhaya.
 - na. Lambat:
 - 1) Kalih tulud lambat, tengeran tedun ngayah utawi tengeran wēnten pakaryan;
 - 2) Nungtit/silih asih, tengeran surya grha, bulan kapangan;
 - 3) Aklentungan ngempang panjang, tengeran ngwangdēang karya.
 - ca. Klentungan:
 - 1) Patang (4) klentungan, tengeran rarē embas;
 - 2) Limang (5) klentungan, tengeran pawiwahan;
 - 3) Tigang (3) klentungan, tengeran ngwangdēang kramanē tedun;
 - 4) Sia (9) klentungan sada alon, tengeran wēnten krama sēda.

Pawos 19

- (1) Kulkul dēsa utawi kulkul banjar tan wenang katepak yēning tan sangkaning pituduh Prajuru Dēsa/Banjar sajawaning tengeran bhaya;
- (2) Sang sanē nepak yan tan sangkaning pituduh Prajuru Dēsa, patut digelis atur supēksa maka buatan panepakē. Yan tan sapunika, wenang sang mamurug kadanda *manut pararem*;
- (3) Kulkul sekaa-sekaa samaliha kulkul pondokan tan kalugra matehin sukat utawi tengeran kulkul dēsa/banjar, sajawaning tengeran bhaya.

Palet 4

Indik Paruman

Pawos 20

- (1) Paruman utawi sangkepan ring Désa ^{adlat} Pakraman Kelodan Tampaksiring wénten:
 - ha. Paruman dēsa, kawéntenang:
 - 1) Nyabran asasih maka cihna tanpa arah-arahan, duwaning sampun tetep panemaya *manut pararem*;
 - 2) Napkala (padgata kala), maka jalaran arah-arahan manut tetujon.
 - na. Sangkepan Prajuru Dēsa/Banjar kawéntenang manut wiguna;
 - ca. Paruman sekaa-sekaa manut pabuat.
- (2) Paruman dēsa utawi banjar madudonan sakadi ring sor:
 - ha. Prasida kalaksanayang risampun katedunin olih sang patut ngamiletin, kamanggala antuk tengeran suaran kulkul miwah mabhusana tegep, samaliha tan kalugra makta gegawan sakaluwiré;
 - na. Tan maren ngarcana ring Ida Bhagawan Panyarikan maka sarana Widdhi Widana canē;
 - ca. Masarana janggi, wiganipun mastikayang kramanē sanē kasēp pangrauhnē;

- ra. Kamanggalanin antuk macak krama dēsanē, nyantenang sanē sampun rauh lan sanē dērēng rauh utawi sanē nēnten rauh, nglantur naur dedosan, agung-alitnia *manut pararem*;
 - ka. Sajeroning paruman, tan wenang ngwetuang suara gora utawi biota. Yan mamurug, keni pamidanda bēa pacamil kadi dandaning nguman-uman ring sabha;
 - da. Pamutus baos sanē kamanggehang inggih punika briuk sapanggul.
- (3) Pradé pidaging paruman tan kaingkupin, prajuru dēsa mangda ngutsahayang ngilikang bebawos tur pamutusan kasobyahang mangda kararemin olih krama dēsa. Bilih tan prasida kasungkemin jantos ping tiga, prajuru dēsa wenang nunas baos ring sang ngawewenang.

Pawos 21

- (1) Sajeroning paruman dēsa, Bendesa patut nyobiahang pamarginē ngēnterang dēsa, pamekas ngeninin indik:
- ha. Munjuk-lungsuring pakraman saha ayah-ayahannia lan sulur artha-brana druwén dēsa;
 - na. Rerincikan prajuru ngeninin usaha dēsa kapungkur,
- (2) Pamutus paruman dēsa sinanggeh pararem maka pamitegep daging Awig-awig.

Pawos 22

- (1) Sangkepan prajuru dēsa madruwē wewenang wantah ngrincikang pangrencana usaha dēsa kapungkur;
- (2) Sangkepan prajuru dēsa tan kawenangang ngamedalang tetegenan ring krama dēsa sadéréng kaingkupin olih krama dēsa ring paruman;
- (3) Pamutus sangkepan prajuru dēsa ngwetuang paswara, maka pidaging pituduh sang Ngawewenang utawi ngonēkang pararem krama dēsa.

Palet 5

Indik Druwén Désa

Pawos 23

adit

Padruwéan Désa Pakraman Kelodan Tampaksiring sakadi ring sor:

- (1) Kahyangan Désa luwiré:
 - ha. Pura Kahyangan Tiga;
 - na. Pura Catur Bhuwana;
 - ca. Pura Dalem Madura;
 - ra. Pura Mascēti;
 - ka. Pura Pasimpangan Uluwatu;
 - da. Pura Pucak Panyungsungan;
 - ta. Pura Prajapati.
- (2) Balē Désa, Désa Pakraman Kelodan Tampaksiring;
- (3) Tanah tegal;
- (4) Tanah carik;
- (5) Karang ayahan désa munjuk lungsur saking 42 karang manut ring kawēntenan sang tedun miwah sang uwusan makrama;
- (6) Sētra, wēnten kekalih:
 - ha. Sētra Kelodan;
 - na. Sētra Ageng.
- (7) Lelanguan makadi tetabuhan lan ilēn-ilēn padruwéan Désa Pakraman Kelodan Tampaksiring, luwiré:
 - ha. Gong abarung,
 - na. Ilēn-ilēn wali ring pura luwiré: Rejang Gabor, Rejang Genter, Baris Tumbak, Pēndēt, Barong, Randa lan Padruwéan Désa manut ilikita.
- (8) Lan padruwéan tiyosan.

Pawos 24

Pilih-ulihan Désa Pakraman Kelodan Tampaksiring, luwiré:

- (1) Urunan krama Désa Pakraman;
- (2) Ulih-ulihan saking palaba Pura;
- (3) Upadana saking Guru Wisésa;
- (4) Saking usaha désa;
- (5) Miwah paica-paica sané tiyosan sané patut.

Pawos 25

- (1) Prajuru désa wenang ngétangang pamupon laba lan sapanunggalan druwen désa;
- (2) Pikolih lan pamupon laba purané kaanggé prabéya piodalan lan prabéya ngwangun ring pura;
- (3) Nyabran sangkepan krama désa, Prajuru Désa pangraksa druwen désa, patut nyinahang pariindik munjuk lungsurin padruwéan désa ring krama désa;
- (4) Sakaluwiring padruwén désa patut wénten ilikitannia;
- (5) Tan kalugra ngadol utawi ngésahang padruwéan désa yan tan kasungkemin olih krama désa ring paruman.

Palet 6

Indik Bhaya

Pawos 26

- (1) Pariindik bhaya luwiré: jiwa bhaya, artha bhaya, dura cara ring Agama,
- (2) Sang manggihin kahanan jiwa bhaya patut nepak kulkul bulus mapitulung, manut Pawos 18 (3), aksara ha;
- (3) Pradé ring désa kahanan jiwa bhaya, patut désané ngaturang pamrayascita désa marupa caru/bhuta yadnya tur sang mayanin katur ring sang ngawewenang;

- (4) Pradē wēnten jatma mamisuh utawi nguman-uman jatma tiyos, wenang sang nguman-uman kakeninin pamidanda *manut pararem*;
- (5) Pradē wēnten jatma sanē ngawē biota (*huru-hara*) ngrusak sukertaning jagat, patut kakeninin pamidanda *manut pararem*.

Pawos 27

- (1) Sang manggihin kahanan artha bhaya (kamalingan), patut mapitulung saha nepak kulkul manut Pawos 18 (3) aksara ha, tur sang kamalingan digelis atur supēksa ring Prajuru Dēsa. Prajuru Dēsa pacang niwakang tetimbang tur ngaturang ring sang ngawewenang, maweweh ngaturang panyangaskara pradē sanē kapaling wēnten barang sanē sinanggeh suci;
- (2) Pratingkahē mapailon ring dusta kabawos saruron. Pradē wēnten jatma manggihin dusta tan nyadokang ring Prajuru Dēsa jantos jatma tiyos nyadokang, wenang jatma inucap kadanda kadi dandaning maling. Agung pamidandanē tikel ping tiga saking pangargan barangē sanē kapaling. Pradē jantos ping tiga malaksana corah, wenang kasukserahang ring sang ngawewenang;
- (3) Pradē wēnten jatma ngrereh reramon minakadi ron, busung miwah sanē lianlian tanpasadok ring sang nruwēnang wit, pradē kacunduk (katara), wenang kadanda kadi dandaning maling;
- (4) Yaning wēnten jatma ngranjing ka pakubon wiadin ka pakarangan anak tiyos rikala suwung, mawastu sang madruwē karang kēcalan, wenang jatma inucap katuwekang olih sang kēcalan. Yan sang kadalih tan ngangkenin, wenang madēwa saksi ring Pura Dalem;
- (5) Sapasira ugi ngranjing ring pakubon utawi pakarangan anak tiyos sedekan suwung, mangda tan katuwekang manut sakadi ringajeng, patut:
 - ha. Matengeran suara (makaukan);
 - na. Nyantosang pangrauh sang nruwēnang karang utawi masadok ring pangapitnyanē sanē pinih tampek maka buatan pangranjingē,
 - ca. Pamedal pakarangannia kasawēnin makacihna mapangarah rikala suwung.

Palet 7

Indik Panyanggan Banjar

Pawos 28

- (1) Paletan karya wēnten kalih pawos, luwirē:
 - ha. Karya ayu minakadi karya manusa yadnya, dēwa yadnya, resi yadnya, ngasti, mamukur, maligia lan sapanunggilannia;
 - na. Karya duhka minakadi pitra yadnya, kalayu sekaran.
- (2) Rikala ngwangun karya ayu, suwang-suwang krama dados nunas panyanggan banjar, manut abot-dangan karya;
- (3) Krama lanangē katunasin maolahan. Yēning katunasin karya arahina, patut katurin pangu ajengan ping kalih. Yan pacang tunasin karya atengah rahina, patut katurin ajengan apisan manut linggih. Yēning wenginnē maolahan, katuran ajengan, kawastanin ajengan pagadangan;
 - ha. Krama istrinē patut rauh manut pinunas sang madruwē karya (kawastanin kundangan) saha makta bebaktaan kundangan. Bebaktaan kundangan manut kawēntenan suwang-suwang, utawi manut pararem dēsa/banjar pakraman suwang-suwang;
 - na. Sang madruwē karya patut nagingin wadahnyanē antuk ajengan/jatah kalih tanding manut linggih, kawastanin daging sok;
- (4) Rikala ngwangun karya pitra yadnya, patut kasangga olih banjar manut pararem.

CATURTAS SARGAH
SUKERTA TATA AGAMA

Palet 1

Indik Déwa Yadnya

Pawos 29

(1) Palinggih panyiwian ring wewidangan Désa Pakraman Kelodan Tampaksiring:

- ha. Kahyangan Tiga: Pura Puseh, Pura Dalem lan Pura Balé Agung;
- na. Pura Catur Bhuana;
- ca. Pura Dalem Madura;
- ra. Pura Mascôti;
- ka. Pura Pasimpangan Uluwatu;
- da. Pura Pucak Penyungsungan;
- ta. Pura Prajapati.

(2) Rahina piodalan ring suang-suang kahyangan inucap, kadi ring sor:

- ha. Ring Pura Kahyangan Tiga, Pura Catur Bhuana, Pura Dalem Madura, Pura Mascôti, Pura Pesimpangan Uluwatu lan Pura Prajapati, sami katurang piodalan rikala Anggarikasih Medangsia;
- na. Ring Pura Pucak Penyungsungan, rikala Purnamaning Kasa.

(3) Pangadi ring Pura inucap manut kecap sastra Agama, saha kalaksanayang nista, madya, utama manut kawéntenan lan manut pararem;

(4) Pongempon Pura makasami sakadi kasurat ring ajeng, wantah Krama Désa Pakraman Kelodan Tampaksiring.

Pawos 30

(1) Ring makasami Pura inucap, kaadegang Pemangku,

(2) Ngadegang Pemangku manut diudonao:

ha. Turunan utaxi ngaxaris;

na. Nyanjaan utaxi masumbuan suwang-suwang, magenah ring ajeng Penataran Pura;

- ca. Kacatri olih Krama Désa utawi pangempon Pura suwang-suwang manut dresta;
- (3) Tan wenang kaadegang Pamangku luwiré:
- ha. Cédā angga makadi: pécéng, pérot, cungh lan sapanunggilannia;
- na. Sakit ila, ayan, buduh wiadin édan, HIV lan sapanunggilannia;
- ca. Sang sapisira ugi sanē tan kapatutang *manut pararem*;
- ra. Sang sanē nēnten maduwē kasucian urip.
- (4) Prabéya ngadegang Pemangku:
- ha. Adiksa Widdhi utawi ngwintenin lanang-istri kamedalang miwah kalaksanayang olih sang ngadegang minakadi krama désa utawi pangempon Pura suang-suang;
- na. Indik prabēa pitra yadnyannia ri wekas, sang ngadegang ngaturang upacara sanistannia Brahma Prayascita sapunika taler ngeninin indik panyangga, *manut pararem*;
- (5) Pemangku patut ngamanggehang sesananing Pemangku, luwiré:
- ha. Ambek dharma sadhu;
- na. Aséwaka dharma makadang sastra utama;
- ca. Tan parek ring naya dusta;
- ra. Tan anayub ring tarub camara yudha, (soring tarub tajen);
- ka. Tan manjing ring umah wong banija krama (umah jagal);
- da. Tan manjing ring umah wong darati krama (umah panayangan);
- ta. Tan wenang ajajudén;
- sa. Tan anginum asing angawé mada (mamunyah);
- wa. Tan pati pikul-pikulan;
- la. Tan salah suluh (mogbog);
- ma. Tan wenang anayub upadrawaning cor, yan mawyawahara (maiyeagan), teka wenang adéwa saksi;
- ga. Tan griganing wong akwéh;
- ba. Tan kenéng cuntakaning wong lén, sajawanin kulawargannia tunggil natah utawi pasiwanzia manut dresta.

- (6) Pradé mamurug, wenang Pemangku nyepuhin raga kasaksinin olih prajuru désa;
- (7) Yan pacang ngalap rabi, patut ngaturang rumuhun pawintenannia ring Pura genahnia madeg Pemangku nguni tembénna, wawu wenang ngalap rabi. Riwas upacarannia patut ngwana wasa salaminnia atahun, wus punika wawu mawinten malih kadi pawintenannia nguni.
- (8) Sinalih tunggil krama yan wénten ngipik-ngipik saparisolah Pemangku, nanging yaning Pemangku tan sapunika paripolahnyané kadi sané kaipik-ipik, wenang jatma inucap kasisipang nyuciang Pemangku, *manut pararem*;

Pawos 31

Swadharmaning Pemangku:

- (1) Ngénterang upacara piodalan ring Kahyangan utawi ring suang-suang pakubon krama;
- (2) Tan wenang muputang yadnya ring dura désa sadērēng yadnya ring désa wewidangannia puput;
- (3) Yēning I Pemangku sampun ngayah ring Pura kancit wénten kulawargannia sēda, Pemangku inucap tan kenéng cuntaka sakéwanten Pemangku tan budal salami piodalan;
- (4) Yēning Pemangku lēmpas ring sesana lan swadharma, wenang katiwakin pamidanda *manut pararem*, sanlstanē masepuh utawi mrayascita raga.

Pawos 32

Patias utawi ulih-ulihan Pemangku luwiré:

- (1) Pahan sarin canang ring Pura, *manut pararem*;
- (2) Upon palaba carik miwah tegal, *manut pararem*;
- (3) Luput pakaryan sejabanin mongan Pemangku, tan keni rerampēn utawi reramon. Yēning padagingan, keni makadi patut.
- (4) Salanturnyanē indik Pemangku, *manut pararem*.

Pawos 33

(1) Pamangku kagentosin riantukan:

ha. Séda;

na. Pinunas ngraga sangkaning kageringan lan sapanunggalannia, tur kasungkemin olih krama dēsa;

ca. Kauwusang olih kramā sangkaning malaksana tan patut; minakadi lēmpas saking sesana lan swadharma.

(2) Pradē Pemangku kauwusang sangkaning malaksana asta dusta/tan patut, wenang kakeninin pamidanda manut pararem saha ngwaliang prabēya pawintenannia pecak.

Pawos 34

Kasukertan Kahyangan kadi ring sor:

(1) Tan kalugra ngranjing ka Pura luwiré:

ha. Sang katibén cuntaka makadi sebel ring raga, kalayusekaran lan cuntaka tiyos;

na. Makta sahanan barang sinanggeh ngletehin;

ca. Sato agung sajawaning rikala mapepada;

ra. Mabusana tan manut kadi tata caraning ngranjing ka pura;

ka. Sadērēng polih wakwakan saking Prajuru Dēsa utawi sang Pinandita.

(2) Pratingkahē tan wenang ring pura:

ha. Masumpah utawi macor sajawaning pituduh Prajuru Dēsa,

na. Wak parusya/wak cepala, makabotan/mabacin/makoratan, masang-gama, makolem dados asiki lanang-wadon, mawarih, macecepin raré, majajal/majengilan, nyangsang busana, sajabaning busana sanē makilitan ring ilēn-ilēn puja wali, menehin pusungan (punika mawinan rikala majejahitan patut magelung busung macongēr lidinnia);

ca. Munggah tedun palinggih sejawaning pituduh Pemangku utawi Prajuru;

- (3) Sang mamurug, wenang kakeninin pamidanda pamrayascita *manut pararem*.

Pawos 35

- (1) Yan wénten jatma karauhan ring Pura, wenang kapintonin pradē rumasa kasumangsayan. Yan tan wyakti, jatma inucap wenang kasisipang tur kadanda *manut pararem*, sanintannē ngaturang prayascita ring pura inucap;
- (2) Pradé Kabhyangan katihān durmanggala minakadi keni bhava, sang manggihin patut digelis nyadokang ring prajuru dēsa mangda marumang krama dēsa tur ngwéntenang pamrayascita sapatutnia.

Palet 2

Indik Resi Yadnya

Pawos 36

- (1) Sang pacang madeg Pandita, patut masadok ring Bendēsa Dēsa Pakraman miwah mapawungu ring Parisadha Hindu Dharma Indonesia;
- (2) Sang pacang madeg Pinandita minakadi Balian Sontēng, Kubayan, Dalang, sakaluwiring sané jagi ngénterang yadnya, patut masadok ring Prajuru Dēsa;
- (3) Prajuru dēsa patut pratiaksa niténin tur wenang ngwara/mialangin pradē wénten kacihnan nyasar ring ling sastra agama miwah drestané, tur Prajuru mangda sareng nyaksinin upacaraannia saha nyobyahang ring paruman dēsa tegap rawuhing wates kawenangannia ngénterang yadnya;
- (4) Krama dēsa patut ngaturang ayah ring sapamadeg miwah ring panglepas sang Sulinggih miwah sang Pinandita riwekas, katuntun olih Prajuru Dēsa.

Pawos 37

- (1) Sang Sulinggih, Sang Pinandita patut ngrihinang muput yadnya ring wewidangan Dēsa Pakraman Kelodan Tampaksiring, sasampun punika wawu muputang yadnya ring dura dēsa;

- (2) Krama désa sami patut sareng ngawas niténin katuntun olih prajuru désa, mangda sahanan yadnya sané kawéntenang kaicén pamuput olih Ida Pedanda utawi Pinandita manut kawenangannia sowang-sowang.

Palet 3

Indik Pitra Yadnya

Pawos 38

Pamargin pitra yadnya madudonan sakadi ring sor:

- (1) Pangupacaran sang kalayu sekaran:
ha. Antuk mendem, maka cihna makingsan ring Ibu Pertiwi utawi makingsang ring geni/Bhatara Brahma, salami nutupang prabēya;
na. Atiwa-tiwa minakadi palebon utawi ngabēn;
- (2) Upacara pitra yadnya riuwusan kplebonang utawi kaabēnang, kalanturang antuk upacara ngoras utawi munggah daun bingin.

Pawos 39

Swadharma lan tetegenan pradé wénten sinalih tunggil krama kalayusekaran:

- (1) Sang kaduhkitan patut:
ha. Nyadokang ring Kelihan Banjar tur nunas tetimbang indik kawéntenannia;
na. Ngaturin krama banjar mangda ngrombo makarya ètèh-ètèh sawa, kadulurin antuk panyanggra canang utawi sedah sajangkepnia, utawi sané lianan sasida-sidaan, *manut pararem*.
- (2) Swadharmaning krama banjar:
ha. Kelihan banjar maritetes pamargin sang kalayusekaran, napikè sawanè pacang kapendem, makingsan rihin utawi nglantur kaabēnang;
na. Pradé kapendem, raris kasuarayang kukul pamitahu olih Kelihan Banjar;

- (3) Panyanggan krama banjar salanturnyané:
- ha. Suang-suang krama banjar medalang patus *manut parārem*;
 - na. Ngrombo ngaryanin ētēh-ētēh sawa kasarengin olih krama sanē rauh ngrombo;
 - ca. Sami kramanē ngater ka sétra jantos puput pamendemané.
- (4) Tan kéngin ngalelet langkungan ring 7 (pitung) rahina sejawanin wēnten panugrahan saking Sulinggih, tur patut polih pagebagan manut paētangan kelihan banjar sejawanin pialang pamargi;
- (5) Tan kalugra nginepang bangbang miwah mendem rikala: Semut Sedulur, Kala Gotongan, Was Pangantēn, Rerahinan Jagat, Tilem, Purnama, tegak piodalan, rikala piodalan Kahyangan Dēsa;
- (6) Pradé wēnten kalayu sekaran rikala piodalan, kéngin mendem tanpa sadok, tur mamargi wengi tanpa tengeran kulkul, sabinayan Pedanda miwah Pinandita;

Pawos 40

- (1) Sané sinanggeh kacuntakan sekadi ring sor:
- ha. Cuntaka sangkaning kalayusekaran;
 - na. Cuntaka sangkaning ngraja swala;
 - ca. Cuntaka sangkaning ngembasang putra;
 - ra. Cuntaka sangkaning karuron;
 - ka. Cuntaka sangkaning sakit ila, buduh;
 - da. Cuntaka sangkaning pawiwahan;
 - ta. Cuntaka sangkaning gamia gemana;
 - sa. Cuntaka sangkaning salah timpal;
 - wa. Cuntaka sangkaning anak istri mobot nénten mawidhiwidana;
 - la. Cuntaka sangkaning mamitra ngalang;
 - ma. Cuntaka yaning wēnten anak istri ngamedalang putra sadurungé maupacara, sanē kasungguh bebinjat utawi astra;
 - ga. Cuntaka antuk sad tetayi luwirē:

ga. Cuntaka antuk sad tetayi luwirē:

- 1) Atharwa : ngamargiang pangliakan,
- 2) Dratikarma : mamarikosa,
- 3) Sastragna : ngamuk,
- 4) Rajapisuna : mapisuna,
- 5) Agnida : ngenjutin sanē ngwetuang bhaya,
- 6) Wisada : nyetik, ngracun.

7) Sengker cuntaka manut kawéntenannia:

ha. Cuntaka kalayu sekaran, cuntakannia kaanutang ring loka dresta, minakadi:

- 1) Sang kaduhkitan, ngawit saking wawu lampus jantos 12 rahina;
- 2) Pangapit, ngawit saking wawu lampus jantos 7 rahina;
- 3) Krama banjar, ngawit saking wawu lampus jantos 3 rahina.

na. Cuntaka ngraja swala, 3 (tigang) rahina ngawit saking ngraja swala utawi salami ngraja swala;

ca. Cuntaka ngembasang putra, ngawit saking putranē embas ngantos sampun kaupacarayang tigang sasih (105 rahina);

ra. Cuntaka karuron, cuntakannia abulan pitung rahina (42 rahina) tur sampun matirta pamrayascita;

ka. Cuntaka pawiwahan, cuntakannia ngantos sasampuné matirta pablukawonan;

da. Cuntaka sakit ila, buduh, cuntakannia manut ilikita pastika saking sang ngawewenang/sang nambanin miwah sampun mrayascita raga;

ta. Cuntaka salah timpal kapuputang manut ring sastra Agama Hindu.

sa. Cuntaka gamla gemana, cuntakannia ngantos sasampuné kapalasang/kasapihang tur sampun kawéntenang pamrayascita raga miwah pamrayascita désa/ Kahyangan;

wa. Cuntaka ngembasang putra tan malarapan upacara pabiukaonan miwah pawidiwidana, cuntakannia jantos wénten sané mameras sang putra tur sampun kawéntenang upacara manut ring sastra Agama Hindu;

- la. Cuntaka anak istri mobot sadērēng kawéntenang upacara pabiukaonan, cuntakannia jantos kawéntenang upacara pabiukaonan;
- ma. Cuntaka mamitra ngalang, cuntakannia ngantos kawéntenang upacara pabiukaonan;
- ga. Cuntaka sad tetayi, cuntakannia jantos sampun maprayascita raga tur nénten pisan dados ngunggahang upacara padwijatian,

(3) Cuntaka kalayu sekaran:

ha. Kapendem cuntakannia:

- 1) Cuntaka/sebel banjar ngantos 4 rahina riwusnia mendem (manut dresta) utawi sasampunē polih pamrayascita;
- 2) Cuntaka kulawargannia sajeroning pakarangan, ngantos 12 rahina utawi manut dresta;
- 3) Cuntaka pangapit, saking wawu lampus jantos 4 rahina saking padéwasan mapendem.

na. Kaabénang cuntakannia:

Sang nyambut karya pitra yadnya, cuntakannia ngawit saking nyambut padéwasan karya, rauh yadnya mapegat, kalanturang malih tigang rahina;

(4) Sané katibén cuntaka luwiré:

ha. Kalayu sekaran sané kacuntakan:

- 1) Sang sané kalayu sekaran,
- 2) Kulawargannia,
- 3) Bebanjaran,

na. Ngraja swala sané kacuntakan:

Sang sané ngraja swala;

ca. Ngembas putra sané kacuntakan;

Sang maraga guru rupaka rarē ika, yayahnia ngantos kepus pungsed;

ra. Pawiwahan sané kacuntakan:

Sang sané nglaksanayang pawiwahan lanang lan istri;

ka. Karuron sané kacuntakan:

Sang sané karuron lan lanangnyané;

- da. Gamia gamana, sané kacuntakan:
- 1) Sang sané nglaksanayang gamia gamana;
 - 2) Désa pakraman/Kahyangannyanē;
- ta. Anak istri mobot nénten kawéntenang upacara pabiakalan, sané kacuntakan : Sang maraga istri (sané mobot);
- sa. Mamitra ngalang, sané kacuntakan :
Sané nglaksanayang mamitra ngalang (lanang lan istri),
- wa. Ngembasang putra nénten kawéntenang upacara pabiukaonan miwah upacara pawidiwidanan, sané kacuntakan:
- 1) Sang sané ngembasang putra,
 - 2) Putra sané embas,
- la. Sakit ila/buduh sané kacuntakan
Sang sané sungkan;
- ma. Salah timpal sané kacuntakan:
- 1) Sang sané malaksana salah timpal;
 - 2) Kulawargannia;
 - 3) Désa pakrama lan kahyangan.
- ga. Sad tetayi sané kacuntakan:
Sang malaksana sad tetayi,
- (5) Tan kenéng cuntaka luwiré:
- ha. Sang Sulinggih lan Pemangku Kahyangan Tiga;
- na. Rikala piodalan, risampun ngalang sasih/ngalang tengah.

Pawos 41

- (1) Atiwa-tiwa (ngabēn/plebon) malarapan antuk:
- ha. Nyawa resi, pangabēnan mawatang antuk sawa kresian;
- na. Sawa pretēka, pangabēnan mawatang sawa;
- ca. Swasta, pangabēnan mawatang antuk lalang utawi toya riantuk sawanē tan kakeniang;

- (2) Panamaya pangabénan wénten kalih pawos:
- ha. Ngabén dadakan/bah bangun *manut pararem*;
 - na. Ngabén ngamasa.
- (3) Dudonan pangabénan ngawit saking ngagah utawi séda, ngeseng jantos pangiriman utawi nganyut.

Pawos 42.

- (1) Patas pangabénan, *manut pararem*;
- (2) Kakaryan sané dados amongan Banjar *manut pararem*, luwiré:
- ha. Ngawit makarya saking 15 rahina sadurung pelebon/pangabénan;
 - na. Ngaryanang étéh-étéh upakara lan upakara sawa;
 - ca. Ngater ka sêtra lan nglaksanayang sahanan pakaryan sané wénten pakilitannyané jantos puput.
- (3) Pangingu krama banjar ngawit saking nyambut karya jantos puput, kaanutang ring abot-dangan kakaryané.

Palet 4

Indik Manusa Yadnya

Pawos 43

- (1) Manusa yadnya inggih punika upacara upacara dharmaning kamanusan, ngawit saking patemoning kama bang kalawan kama petak sajeroning garbha jantos kalayu sekaran riwekas;
- (2) Upacara ring ajeng madudonan sakadi ring sor:
- ha. Magedong-gedongan duk pangrempinian ibiang;
 - na. Duk sang raré medal;
 - ca. Kepus odel;
 - ra. Roras rahina;
 - ka. Tutug kambuhan risampun raréné mayusa 42 rahina;

- da. Nigang sasihin, risampun rarēnē mayusa 3 sasih;
- ta. Pawetuan/otonan/odalan, risampun rarēnē mayusa 6 sasih;
- sa. Tutug duwur, malarapan upacara ngraja singa yaning lanang, ngraja swala yaning wadon;
- wa. Matatah utawi mapandes;
- la. Mawiwaha;
- ma. Mawinten.

(3) Upacara-upacara inucap kalaksanayang nista madya utama saha nepēk ring kecap sastra Agama lan dresta.

Palet 5

Indik Bhuta Yadnya

Pawos 44

- (1) Bhuta yadnya inggih punika upacara pabyakala ring pretiwi lan kahyangan, sarwa prani saha upacara-upacara ring bebhutan miwah ring piranti tiyosan,
- (2) Upacara pabyakala ring sarwa prani, sarwa tumuwuh miwah piranti tiyosan, luwiré:
 - ha. Ring sarwa lelandep, rikala Saniscara Kliwon wara Landep;
 - na. Ring sarwa tumuwuh lan pirantinnia, rikala Saniscara Kliwon wara Wariga (Tumpek Pangatag);
 - ca. Ring sarwa ingon-ingon/wewalungan, rikala Sanisacara Kliwon wara Uyé (Tumpek Kandang);
 - ra. Ring sarwa ringgit, ukir-ukiran, rikala Saniscara Kliwon wara Wayang;
 - ka. Ring sarwa uni-unian rikala Saniscara Kliwon Krulut;
 - da. Ring sarwa siandana minakadi motor/mobil, rikala Saniscara Kliwon Kuningan;
 - ta. Upacara pakala-kalaan manusa manut widhi widana kabawos pabyakala.
- (3) Upacara pabyakala ring pretiwi, Kahyangan lan bebhutan kawastanin macaru;

Pacaruan inucap ring ajeng, nista madya utama manut wiguna kadi ring sor:

- ha. Eka sata;
- na. Panca sata;
- ca. Panca sanak;
- ra. Resi gana;
- ka. Tawur Agung;
- da. Panca Kelud

(5) Sajawaning kadi ring ajeng, kawéntenang upacara:

- ha. Yadnya sésa utawi masaiban riuwusan ngrateng,
- na. Masapuh-sapuh rikala pacang wali ring Pura,
- ca. Pacaruan pasasihan.

Pawos 45

- (1) Nangken ngawarsa rikalaning tilem kasanga kawéntenang tawur kasanga kalanturang antuk pangrupukan maka cihna pacang magpag rahina panyepian bĕnjangnyané;
- (2) Brata panyepian sané kamargiang olih krama désa:
 - ha. Amati geni, tan kĕngin maapi-api;
 - na. Amati karya, tan kĕngin nyambut karya;
 - ca. Amati lelungan, tan kĕngin alelungan/malancaran,
 - ra. Amati lelungan, tan kĕngin maoneng-onengan, masuara gora lan sapanunggilannia;
- (3) Brata panyepian punika kalaksanayang rikala pananggal apisan sasih Kadasa, saking endag surya jantos endag surya bĕnjangnyané, raris kasuarayang kulkul pangembak, kalanturang antuk upacara masima krama/dharma shanti;
- (4) Sang mamurug kecap ring ajeng, keni pamidanda manut pararem;
- (5) Patelik panyepian kalaksanayang olih Pecalang.

PANCAMAS SARGAH
SUKERTA TATA PAWONGAN

Palet 1

Indik Pawiwahan

Pawos 46

- (1) Pawiwahan inggih punika patemon purusa kalawan pradana malarapan panunggalan kahyun suka lila kadulurin upasaksi sekala niskala,
- (2) Pamargin pawiwahan luwiré:
 - ha. Pepadikan kamanggala antuk pakrunayan;
 - na. Ngrorod, ngrangkat rihin wawu kakrunayang;
 - ca. Nyeburin, sané istri madewék purusa.
- (3) Pidabdab sang pacang mawiwaha patut:
 - ha. Sampun manggeh deha truna (prasida nganutin Undang-Undang);
 - na. Sangkaning pada lila (tan kapaksa);
 - ca. Manut kecap sastra Agama (tan gamia gamana);
 - ra. Kasudi wedani pradé pangambilé tiyos Agama;
- (4) Pamargin pawiwahan mangda taler nganutin *Undang Undang Perkawinan* saking sang ngawawenang.

Pawos 47

- (1) Pawiwahaan sané kapatutang ring Dēsa Pakraman Kelodan Tampaksiring sakadi ring sor:
 - ha. Sampun kamargiang pabyakala utawi pasakapan, kasaksiang sekala niskala olih Pandita utawi Pinandita;
 - na. Wénten saksi Prajuru sané ngilikitayang pawiwahané;
 - ca. Sampun matengeran suaran kulkul;
 - ra. Pawiwahan inucap ring ajeng sampun kacatetang ring sang ngawawenang;
- (2) Pawiwahan sané tan manut kadi kecap ring ajeng, sinanggeh tan patut.

Pawos 48

Tata caraning maparabian patut sakadi ring sor:

- (1) Sapasira ugi pacang ngwarangang kulawargannia, patut masadok ring prajuru dēsa, salanturnia prajuru maritatas manut tan manut pamargin parabianē;
- (2) Pamargin pepadikan manut dudonan luwirē:
 - ha. Pakrunayan jantos ping tiga, saha suwang-suwang malarapan:
 - 1) Kapratama antuk canang lan suar,
 - 2) Kaping kalih antuk canang,
 - 3) Kaping tiga antuk canang pangrawos,
 - 4) Pradē tan ping tiga, manut paiguman pakulawargan;
 - na. Risampun puput, raris sang istri kaajak budai ring pakubon sang lanang, saha kalanturang antuk pabēyakala;
 - ca. Mangda puput tumus sekala niskala, raris kulawarga purusa makta pajati ring pamrajan wadonē;
- (3) Pradé ngrorod/marangkat patut:
 - ha. Reraman lanangē ngwéntenang pangluku/pangenduh antuk duta sakirangnia 2 (kalih) diri;
 - na. Pagenahan anténé tan kéngin ring pakubon sang lanang sadéréng mabēyakala;
- (4) Sajeroning pakrunayan/panglukuan patut:
 - ha. Kamanggala antuk geng rena pangampura arep ring reraman wadonē;
 - na. Kaigumang bebaosanē ngeninin indik idih-pakidih utawi palegayan arep ring paséwakan sang ngidih saha mastikayang padéwasan pakerab-kambéyané riwekas;
 - ca. Kacihnayang indik sang kamanggehang purusa utawi pradé sentana rajeg kajejerang, kapatut ngidih anak lanang sané kabawos pawiwahaan nyeburin;

ra. Pradé tan terima pejati, pakrunayan kamargiang jantos ping tiga, turmaning pawarangané nglantur kamargiang.

(5) Pakerab kambéan mapiteges upacara tinas apadang utawi puput sah mapakurenan, duwaning manut sakadi ring sor:

ha. Sajeroning kabawos ambé, kalaksanayang ring sekala niskala masarana jejauman miwah pawidhi widana:

- 1) Jejauman pinaka ngambé/ngadungang kahyun suang-suang pakulawangan wadoné,
- 2) Widhi widana pinaka pajati niskala nunas wadoné ring pamrajannia,

na. Sajeroning kabawos kerab, palaksanaanné wantah ring sekala:

- 1) Antuk pasaksi krama banjar duwaning kaparabiang matengeran suaran kulkul;
- 2) Pamekas pasaksi Prajuru Dēsa saha ngilikitayang.

Palet 2

Indik Nyapihan Lan Balu

Pawos 49

- (1) Pawiwahan prasida pasah malarapan antuk palas maparabian, kabawos nyapihan;
- (2) Yēning parabiané palas malarapan antuk sinalih tunggil lanang utawi istri sēda, sang kantun nyeneng kabawos balu, makadi balu lanang utawi balu istri;
- (3) Palas marabian wēnten kalih soroh inggih punika sangkaning pada lila miwah mawiwit wicara;
- (4) Sang ayat palas marabian patut atur supéksa rihin ring Sang Rumawos. Risampuné wēnten ilikita pamutus indik nyapihan punika, wawu Prajuru Dēsa nyobiahang kawēntenannia ring dēsa, saha sang palas kakeninin prabēa panumbas suaran kulkul manut pararem.

Pawos 50

Tata cara palas maparabian, sekadi ring sor:

- (1) Nawur prabēya pasaksi suang-suang sami matenga;
- (2) Pagunakayan polih pahan pada;
- (3) Pabekel utawi tatadan kakuasa niri-niri miwah warisan kakuasa olih purusa;
- (4) Ngupajiwa lan prabēa ngweruhang pratisentana manut swadharmaning guru rupaka, patut kamedalang olih sang rumaga purusa;
- (5) Nawur pamidanda panumbas suaran kulkul *manut pararem*;
- (6) Ngelung jinah koci makacihna palas marabian, kalaksanayang olih prajuru;
- (7) Mapamit ring pamrajan lanangē.

Pawos 51

Pradé riwekas sang palas kacihnan adung malih, patut:

- (1) Nglaksanayang upacara pawiwahaan malih;
- (2) Kadanda nikel saking palasē, yadiastu wit palasē pecak sangkaning pada lila. Ageng alit pamidandanē, *manut pararem*.

Pawos 52

- (1) Sang balu kabinayang dados 2 pawos:
 - ha. Balu istri wit sentana rajeg, utawi balu istri boya wit sentana rajeg;
 - na. Balu lanang kapurusa utawi balu lanang nyeburin.
- (2) Swadharmaning balu inucap patut:
 - ha. Ngamanggehang pati brata, tan kengin malaksana paradara utawi drati krama;
 - na. Ngwasayang waris pagunakaya, sakēmawon tan dados ngadol, ngadéang, makidihang lan tiyosan sanē marupa ngēsahang padruwēan, sajawaning sampun polih kabébasan saking putra utawi

kulawarganna sané pinli tampek saking purusa, pradé putranna kantung allt-allt;

- ca. Kéngin ngidih sentana pradé wénten pidabdab sadurung sinalih tunggil padem/sēda saha kabébasang olih kulawarga saking purusa;
- ra. Kawenangang mawiwaha malih pradé wénten kabébasan saking planak utawi kulawarga purusa.

Pawos 53

Balu kabawos tan pageh, sakadi ring sor:

- (1) Drati krama utawi paradara;
- (2) Matilar saking pakubon tan pasadok jantos 6 (nem) sasih;
- (3) Lémpas saking swadharma, tan prasida ngeséhin solah maprewerti arep ring pituduh sané patut saking kulawarga purusa;

Palet 3

Indik Sentana

Pawos 54

- (1) Sentana wénten kalih pawos, inggih punika pratisentana miwah sentana peperasan,
- (2) Pratisentana inggih punika sentana sané metu saking pawiwahan kapatut;
- (3) Pradé pawiwahané tan kapatut ngwetuang sentana, mangda tan kantung kawastanin bebinjat utawi astra, patut kamanggala antuk panyangaskara;
- (4) Pradé pawiwahané tan ngwetuang sentana, kéngin ngidih sentana malarapan antuk upasaksi sekala niskala sané kawastanin sentana peperasan,
- (5) Sentana rajeg inggih punika pratisentana wadon/Istri sané kamanggehang purusa;
- (6) Sané kamanggehang sentana rajeg inggih punika:
 - ha. Pratisentana wadon tunggal, utawi sinalih tunggil pratisentana wadon yéning maka sami pratisentanannyané wadon;

- na. Sampun kamanggehang dados pratisentana purusa;
- ca. Pawiwahannia patut kaceburin. Sané nyeburin kautamayang mangda maagama Hindu. Yéning tiyos agama, mangda kamanggalanin antuk upacara sudiwedani;
- ra. Sané ngamanggehang sentana rajeg patut masadok ring Prajuru Désa, tur patut kasobyahang ring krama désa.

Pawos 55

- (1) Ngangkat sentana manut dudonan, saha patut kajangkepin upacara pamerasan sané kasaksiang sekala niskala;
- (2) Sapasira ugi kramanē pacang ngidih sentana, patut masadok ring Bendésa sanistané 3 (tigang) sasih sadéréng pamerasan;
- (3) Bendésa kasadē antuk kelihan banjar nyobyahang ring sawewidangan désa pakraman. Sang sapasira ugi rumasa tan lila, mangda nyadokang ring Bendésa Désa Pakraman, masengker 2 (kalih) wuku utawi 14 rahina sabanēn panamaya pamerasan;
- (4) Prajuru désa digelis ngicénin pamutus nepék ring catur dresta lan pararem;
- (5) Pradé sulur pamerasan tan manut kadi kecap ring ajeng, prajuru désa wenang ngandeg sang pacang mameras saha ngicénin panuntun, mangda kapuputang rihin bawosē, sulur utawi wicarannia.

Pawos 56

- (1) Peperasan sané kabawos patut risampun macihna:
 - ha. Nglaksanayang widhiwidana peperasan;
 - na. Kasaksinin olih prajuru désa saha makélingang miwah ngilikitayang;
 - ca. Kasobyahang ring krama désané;
- (2) Sané kapatut peras anggē sentana kadi ring sor:
 - ha. Jatma sané maagama Hindu;
 - na. Peperahan sané pinih tampek saking purusa (sang jagi mameras);

- ca. Pradé kulawarga saking purusa nēnten wēnten, kéngin kulawarga saking pradana, sakēmawon mangda patuluṅgan warga. Yaning taler tan wēnten wawu kéngin sakama-kama utawi sakayun-kayun, wusan punika mangda maagama Hindu;
 - ra. Kautamayang saking waris pancer purusa;
 - ka. Sinalih tunggil mangda mawiwit saking kulawarga tunggal sanggah utawi merajan/paibon lan dadia utawi kangkat anak tiyos sakēmawon mangdanē maagama Hindu.
- (3) Kēngin ngangkat sentana langkungan ring adiri lanang wiadin wadon. Pradé ngangkat sentana lanang wadon, nénten dados kapawiwahaang.

Palet 4

Indik Warisan

Pawos 57

- (1) Warisan inggih punika tetamian artha brana saha ayah-ayahannia ngupadi kasukertan sekala lan niskala saking kaluhurannia arep ring turunannia,
- (2) Kang sinanggeh warisan luwiré:
 - ha. Duwé tengah makadi tanah ayahan désa, kahyangan, pusaka, siwa karena lan sapanunggilannia;
 - na. Pamerajan utawi sanggah;
 - ca. Pagunakayan, tatadan/jiwa dana, utang piutang.
- (3) Wawu kéngin kabawos warisan pradé wēnten:
 - ha. Sang mapiturun utawi pawaris;
 - na. Katurunan utawi ahli waris;
 - ca. Artha brana miwah tetegenan minakadi ayah-ayahan maka cihna warisan.

Pawos 58

(1) Ahli waris luwiré:

- ha. Pratisentana purusa;
- na. Pratisentana pradana (sentana rajeg);
- ca. Sentana peperasan lanang utawi wadon.

(2) Pradé tan wénten sakadi ring ajeng, sang sinanggeh ahli waris:

- ha. Turunan purusa pernah ngunggahang rerama lanang, pekak lan salanturipun, minakadi rerama misan utawi mindon;
- na. Turunan purusa pernah ka samping minakadi keponakan misan mindon.

Pawos 59

Swadharmaning ahli waris patut:

- (1) Nerima saha ngwasayang tetamian pahan saking kaluhurannia, makadi ngempon merajan utawi sanggah, pura saha pangupakarannia, miwah nyledihinin ayah-ayahan pawaris;
- (2) Ngabéngang pawaris saha nglanturang upacara-upacara pitra yajnya;
- (3) Nawurin utang-utang pawaris sané manut panglokika.

Pawos 60

Pangepahan waris kamargiang manut sakadi ring sor:

- (1) Risampun kalaksanayang pitra yadnya lan utang-utang pawaris buntas katawut, wawu warisan dados kaepah;
- (2) Para ahli waris polih pahan pada sangkaning pagunakaya, sajabaning karang/tegal ayahan désa kaamong olih ahli waris kang sinanggeh krama ngarep;
- (3) Sinalih tunggil ahli waris kengin tan polih pahan pradé:
 - ha. Nilar kawitan lan sesananing Agama;
 - na. Alpaka guru rupaka;

ca. Sentana rajeg utawi pratisentana nyeburin késah mawiwaha, suang-suang kabawos ninggal kadaton;

(4) Boya ahli waris kéngin muponin hasil manut dudonan luwiré:

ha. Sentana istri salami déréng késah mawiwaha utawi tan alpaka guru. Nanging, pradé madrebé pianak tan kaangkenin olih wong tua rare inucap, i pianak kéngin ngwaris wantah pikolih/pagunakayan sentana istri inucap kémawon;

na. Balu luh wiadin muani nyeburin (suang-suang boya sentana),

ca. Mulih deha utawi mulih truna, riantukan ring pawiwahaanné pecak sampun kabawos ninggal kadaton,

(5) Pawaris kéngin mapawéwéh rikaia kantun maurip ring okanné sané ninggal kadaton pinaka jiwadana sané kabawos tatadan utawi bekel, maka cihna paica tetep ring oka sané késah mawiwaha.

Pawos 61

(1) Pradé sajeroning pakulawarga wénten ahli waris langkungan ring adiri patut:

ha. Kawéntenang paigum indik pedum waris inucap;

na. Yan tan prasida igum, katunasang tetimbang ring prajuru désa utawi kertha désa;

ca. Pradé taler tan wénten cumpu ring panepas kertha désa, kéngin katunasang ring sang rumawos,

(2) Pradé wénten karang ayahan désa kaputungan, patut prajuru nibakang ring:

ha. Sang sinanggeh ahli waris, manut Pawos 58;

na. Sang sané patut anggén sentana, manut Pawos 54;

ca. Pradé taler tan wénten kadl kasurat ring aksara ha miwah na, wenang karang inucap kaambil utawi kadaut dados padruwén désa saha katunasang pamatut ring sang rumawos.

(3) Pradé karang désa jantos kaepah utawi kasepih, patut sowang-sowang karang inucap keni ayahan désa marep.

SASTAS SARGAH

SUKERTA TATA PALEMAHAN

Palet 1

Indik

Karang, Tegal Lan Carik

Pawos 62

- (1) Krama désa pangamong karang désa, patut ngwatesin karang inucap antuk témbok utawi pagehan mangda pakantenannia asri;
- (2) Wates sisi kalér miwah kangin patut kakaryanin olih sang ngamong karang ayahan inucap, sané mawasta magaleng ka luan, nanging tanah pecatu, minakadi tanah tegal, carik lan sané lianan, watesé sané kapiara wantah sisi kelod miwah kauh, réh manut dresta, punika mawasta magaleng ka tebén;
- (3) Pradé karasayang pagehan inucap nglikadin, yan pada arsa sang nruwēnang miwah panyandingé kéngin watesé nganggén pinget, kéwanten mangda kasaksinin olih Prajuru Désa utawi nganggē pal beton palcan sang ngawewenang;
- (4) Pradé wēnten karang utawi genah kabebeng/embet, mangda kautsahayang wēnten pamarginnia manut paigum lan pararem;
- (5) Yēn wēnten tamiu numbas tanah kaanggēn wewangunan genah suci (musola, gereja, wihara) patut molihang paswaran krama *manut pararem*.
- (6) Tan kēngin:
 - ha. Ngentungang wangkēn wewalungan ka pakarangan/tegal anak lian, ka marginē miwah ka tukadē;
 - na. Ngembahang toya wit saking badan wewalungan, kakus, pasiraman, pawaregan ka tegal, carik, margi miwah ka tukadē lan sapanunggilannyanē, sané mawasana kawon;
 - ca. Sang mamurug kecapē ring ajeng, kakeninin pamidanda *manut pararem*.

Pawos 63

- (1) Sinalih tunggil krama désa/banjar tan kalugra:
 - ha. Ngalah-alah margi, karang/tegal ayahan désa lan sapanunggilannia;
 - na. Ngalah-alah tanah linggih Kahyangan, tegak sétra lan sekancan linggih sané sinanggeh suci;
- (2) Pradé wénten mamurug sakadi ring ajeng, sang ngalah alah patut ngwaliang tanah inucap saha keni pamidanda *manut pararem*, kadulurin panyangaskara ngwaliang kasucian tanah inucap yéning sané kaalah-alah wantah tanah sané kasuciang.

Palet 2

Indik Pepayonan

Pawos 64

- (1) Ngawit nandur pepayonan tanem tuwuh patut adepa agung (1,5 meter) ngajeroang saking watesé. Pradé jantos ngliwat wates wenang kasepat gantungin;
- (2) Yaning wénten tetanduran ngungkulin ka pasaga mawastu sang kaungkulin marasa katetehan/kajerihan, patut kawara antuk paiguman, ping ajeng mangda prasida sang nruwénang wit ngrebah utawi notor;
- (3) Pradé sampun kawara taler tan wénten usaha sang nruwénang wit, sang rumasa katetehan/kajerihan wenang masadok ring prajuru, tur risampun kaparitas, kalugra ngicalang wit inucap, sakéwanten patin pepayonan punika patut katawur *manut pararem*;
- (4) Sang keni pamidanda panyangaskara saha prabéya *manut pararem*, yaning tetandurané ngrubuhin wewangunan pisaga, luwiré:
 - ha. Sang nruwénang wit sané sinanggeh mayanin pradé pungkut ngrubuhin wewangunan krama tiyos,
 - na. Sang notor, munggul utawi ngrebah taru tur ngrubuhin padruwéan krama tiyos,

- (5) Pradé wénten wit montik sajeroning wates, patut kapademang, mangda nénten ngaranayang wicara. Pradé sampun ageng kapademang, wit punika pinara tiga:
- ha. Apah tiga (1/3) katur ring sang nuwénang wit;
 - na. Apah tiga (1/3) katur ring sang panyandingnia;
 - ca. Apah tiga (1/3) katur ring Désa Pakraman.
- (6) Krama désa patut ngamanggehang kawerdian tanem tuwuh sané ngawinang désané asri.

Palet 3

Indik Wewangunan

Pawos 65

- (1) Nyabran ngwangun patut:
- ha. Masadok ring prajuru désa, pamekas yan pradé wewangunané ngeninin wates;
 - na. Nganggé sukut Astha Bhumi méwah gegulak Astha Kosala Kosali sanistanné manut ring patitis niskala;
 - ca. Tan nyayutin ka pisaga, sajawoning sampun wénten paiguman ring panyandingé;
- (2) Pradé wewangunan jantes nyayutin bilih-bilih témboké magenah ring telongin wates, risampun kawara tur kasadokang ring Prajuru Désa taler tan kalungguang, wewang jatma inucap kakeminn pamidanda manut paratem saha témbok inucap kagubal, utawi sanistanné mangda kakaryanang ahangan.

Palet 4

Indik Wewalungan

Pawos 66

- (1) Sahanan warga désa sané miara wewalungan patut sayaga niténin minakadi negul utawi nglogor mangda tan ngrusak karang utawi pabianan krama tiyos, bilih-bilih jantos ngranjing ngletehin Kahyangang.
- (2) Pradé wnten wewalungan nglumbar utawi ngeléb ngrusak pakarangan utawi pabianan krama tiyos, risampun kawara taller tan kalinguang, wewalungan inucap dados katabian tur sang nruwéhang kadanda nrewalang panghargaan wit sané karusak saha nawur panibas padaraan tetabanané *manut pararem*.
- (3) Pradé jantos ngletehin linggih suci minakadi pamerajan (sanggah), risampun kaparitatas olih prajuru, wenang sang nruwéhang wewalungan sané nglumbar punika kadanda mabuhu agung antuk tebasan prayascita durmanggala. Yan jantos ngletehin Kahyangang Tiga utawi Pura Pamaksan, kakeninin pamrayascita antuk caru panca sata maduluran itik belang kalung.
- (4) Krama désa patut nyanggra wewalungan miwah sarwa prani, tan kapatutang ngamademang paksi, nuba ulam miwah sané tiyosan. Pradé wnten malaksana sakadi punika kakeninin pamadanda *manut pararem* tur kaaturang ring sang ngawewenang.

SAPTAMAS SARGAH

WICARA LAN PAMIDANDA

Palet 1

Indik Wicara

Pawos 67

- (1) Sané wenang mawosin miwah mutusang wicara ring désa, inggih punika prajuru désa sinanggeh Kerta Désa,
- (2) Pradé sang mawicara tan wénten cumpu ring pamutus paruman désa utawi Kertha Désa, kéngin nunasang wicara inucap ring sang rumawos.

Pawos 68

- (1) Sahanan wicara mawiwit kacorahan sakaluwuré sané sinanggeh nungkasin Awig-awig, pararem miwah paswaran Désa utawi Banjar, Prajuru Désa patut digelis mawosin tan nyantos pasadok;
- (2) Sajaba wicara kadi ring ajeng, patut nyantosang pasadok sang nunas bawos;
- (3) Panepasé patut pastika nyantenang iwang patut malarapan antuk Tri Pramana, inggih punika saksi, ilikita lan bukti, miwah tan maren nepék ring Catur Dresta.

Palet 2

Indik Pamidanda

Pawos 69

- (1) Désa utawi banjar wenang niwakang pamidanda ring warga désa/banjar sané sisip;
- (2) Paniwak inucap kalaksanayang olih Bendésa utawi Kelihan Banjar;

- (3) Bacakan pamidanda luwiré:
- ha. Ayahan panukun kasisipan;
 - na. Danda artha;
 - ca. Panyangaskara;
 - ra. Nunas pangampura ring paruman dēsa;
 - ka. Kanorayang;
 - da. Kadaut karang ayahannia (pradē nglinggihin karang ayahan dēsa);
- (4) Pamidanda sané katiwakang patut masor singgih manut ring kasisipanné;
- (5) Jinah utawi artha brana pamidandané ngranjing dados druwén dēsa/banjar.

Pawos 70

- (1) Krama sané langkungan ring tigang paruman nēnten naēnin naur paturunan, pacingkrem miwah dedendan, wenang karampag;
- (2) Rerampagan nganggé tatacara kadi ring sor:
- ha. Kalaksanayang olih sinoman;
 - na. Sang ngrampag sangkaning darsana ngambil barang utawi nyawénin tanem tuwuh, akéhnia manut ring utang sang karampag. Sang karampag sangkaning lila nyerahang barangnyané sané dados wala;
 - ca. Prajuru miteketang mangda barang-barang sané karampag digelis katebus, masengker awuku (7 rahina). Ring kutus rahinanné pacang kaadol;
 - ra. Tan ngeninin saluwiring barang sané patut inggilang manut Agama miwah tan mademang pangupajiwa sang karampas.

Pawos 71

- (1) Pradé sang pacang karampag ngwara (mialangin) pamargi inucap mawastu tan nganutin Awig-Awig Dēsa, wenang karang dēsa sané kagenahin kadaut olih désané;

2. Yan pradē purun taler mialangin palaksana inucap, tan wénten pamargi malih sajawaning kanorayang-olih krama désa tur nēnten kaajak mawirasa malih;

(3) Pamidanda inucap ring ajeng sami buntas risampun sang sisip:

ha. Nunas geng pangampura ring krama désa riantukan nguwak pasubaya (pararem) pecak;

na. Nawur prabēya panguwak pasubayané maduluran pamrayascita panyapsap kaiwangan ring krama désa;

ca. Nawur buntas pamidanda/rerampagan.

ASTAMAS SARGAH

NGUWAH-NGUWUHIN AWIG-AWIG

Pawos 72

- (1) Nguwah-nguwuhin Awig-awig Désa Pakraman Kelodan Tampaksiring puniki kalaksanayang ring Paruman Désa;
- (2) Awig-awig puniki kamargiang ngawit kaingkupin utawi kararemin.

Pawos 73

- (1) Sakaluwiring sané wénten sadéringnia patut kaanutang ring sadaging Awig-awig puniki;
- (2) Sakaluwiring sané durung kaunggahang sajeroning Awig-awig puniki, patut kalaksanayang manut tata cara sané sampun ketah mamargi kadulurin antuk pararem-pararem.

NAVAMAS SARGAH

SAMAPTA

Pawos 74

- (1) Awig-awig puniki kawastanin **AWIG AWIG DESA PAKRAMAN KELODAN TAMPAKSIRING;**
- (2) Awig-awig puniki kararemin duk rahina Wrasapati Umanis wara Matal, Purnamaning Kaulu, Ishaka 1932, tanggal 17 Pebruari 2011, ring Wantilan jaba Pura Pasimpangan Luhur Uluwatu Dēsa Pakraman Kelodan Tampaksiring
- (3) Awig-awig puniki kalingga tanganin olih Bendesa Dēsa Pakraman Kelodan Tampaksiring, Kelihan Banjar miwah Prajuru Dinas pinaka saksi;
- (4) Luwir sang nglingga tanganin:

